



非賣品

金剛經講義

劉惟實敬送  
李濟道




民國戊子季秋

金剛經講義

蘇州西園寺大融題



PDG



中華民國卅七年十二月初版

# 金剛經講義

印送者

劉惟道  
李濟實

印刷者

大法輪書局

上海(23)南京西路一四五一弄十二號

The Maha Dharmacakra Bookstore

Lane 1451, No. 12, Nanking

Road (West), Shanghai, China.

新學社

PDG

募刊金剛般若波羅蜜經啓

伏以三途六道難拔有漏之身四識八微莫超無量  
之劫粵自迦文啓聖真如立言佛說是經名爲金剛  
般若。汝今諦聽當得阿耨多羅如是我聞不生法相  
廣爲人說而種善根普渡慈航拯苦海之沈溺宏施  
甘露救火宅之焚燒此法無實無虛如來悉知悉見  
所惜祇園滅影鷲嶺沈光梁則劃爲三十二分註不  
下乎百千億家或敷衍陳言。或割裂經義以至般若  
智慧入於寂滅空虛

禪寶

幼昧前因長嗜禪學矢九

年之面壁悟一指之心源謹輯金剛般若波羅蜜經  
攷正一篇。文成六萬餘言宗七祖之微詞分全經之  
脈絡志欲公諸梨棗稍存衣鉢自維浮沈冷宦彼岸  
難登棲遲衡門此懷莫遂又恐蠹編散失象教陵夷  
茲將原註經藁交存中江元亨書室並首竭薄綿開  
雕貝葉惟是字句校讐尚屬迷途未遠篇章刷印實  
非獨力能成伏願居士宰官善男信女旨契拈花廣  
種菩提之樹裘成集腋同登般若之臺生清淨心無  
人我相。永開覺路著福德於無量無邊分布叢林度

眾生於不生不滅洵爲慈悲喜捨莫大布施不住香味色聲。皆生歡喜矣。

同治乙丑春王正月朔日。夢禪居士。岳禪寶謹啓

# 金剛經攷正序

無有定法如來可說求佛法者亦無有定法可得然而無定者佛法之所由廣大至世之學佛者見淺見深各隨其心之所得以求進於道者則若有定焉諸經之中高簡古淡莫若金剛經自來詮解者不一家要皆扞其心得以期無背於佛之宗旨而已顧經文重複往往不能得其次序說病爲法亦說法爲病此佛法之所以難明也夢禪居士向精內典今以十波羅蜜詮解經旨又分爲上下二篇條分縷析使歸統

屬蓋其用心亦甚篤矣夫經義宏深大無不包謂十波羅蜜足以盡之予固未敢深信願謂是經不由十波羅蜜入又豈如來方便立教之旨哉昔一雨大師註楞嚴經橫拈豎弄無非顯第一義諦今夢禪蓋亦有心得焉且是經本無章次自昭明太子列爲三十二分後人遵之夫昭明既可標目夢禪何不可分章况由此求之覺文之重複者皆有附麗使學者循塗而入較之他註爲長夢禪固有功於是經也予故樂爲之序



同治四年乙丑冬月

欽命鎮守四川成都將軍兼攝督川使者完顏崇實  
書於錦城節署



# 序

金剛般若波羅蜜經爲我

佛最上乘法自五祖以之爲唱導而六祖從此悟入  
六朝以來流傳最廣註釋益繁惟宋實際道川禪師  
所詮最爲精妙其稱七祖者何將以別於黃梅曹谿  
也惜此本世所罕見余奉

命督學蜀中今夏按試嘉州樂山學博岳君夢禪余  
春明舊雨曾序其銅魚山館試帖聞尚著有金剛經  
攷正校士匆匆未獲見也秋闈旋省於友人案頭得

觀是編翻閱再四始知卽夢禪原註世刊三十二分  
經本相傳爲梁昭明太子所劃昭明慧業文人不應  
割裂如是夢禪誦持日久以此經中含十波羅妙諦  
般若智慧不同寂滅空虛因合三十二分爲七章訂  
爲上下二篇全經脈絡分明真有豁然貫通之妙其  
集註則首宗七祖兼採羣言旣綴要於前復辨似於  
後議論精微實發前人所未發自有此經以來從未  
作如是觀者非湛深禪理默契真如烏能生如是心  
作如是語耶余促其梓而行之夢禪以力有未逮心

有未安請俟諸異日云

咸豐己未立秋後三日

欽命提督四川學政 上書房行走翰林院侍讀學  
士吳郡李德儀謹序



# 金剛般若波羅蜜經

開經偈

萬法隨心說。心明萬法明。了心心是佛。即此是持經。

無上甚深微妙法。

百千萬劫難遭遇

我今見聞得受持。

願解如來真實義

請入金剛

轉八識為八金剛。轉八金剛為四智。轉四智成四無量心。

青除災金剛

是眼識除一切眾生宿世災殃。主大海。若了四大本空。生死災殃不至。

辟毒神金剛

是耳識除一切眾生癩毒病。主災毒。若了心地慈悲。貪瞋癡毒不現。

黃隨求金剛

是鼻識。能應眾生所求。皆隨願主功德。口說心行無不隨順。

白淨水金剛

是舌識除一切眾生熱惱。苦主一切寶心水。澄清煩惱毒除。

赤聲火金剛

是身識除一切眾生無明見佛主生風見色聞聲金剛性現

定除災金剛

是意識除一切眾生災難苦主璠璃若遇遮那神定無明災疫不生

紫賢神金剛

是末那識能令眾生心開解悟主堅牢藏若了中道了義頂門紫氣放光

大神力金剛

是阿賴耶識能令一切眾生智芽成就主龍王轉煩惱行為佛神通

請四菩薩

喻四無量心亦名四智

金剛眷菩薩

慈也慈能與眾生樂心既堅固慈悲乃為眷屬一大圓鏡智

金剛索菩薩

悲也悲能救眾生苦悟諸法空一切萬法隨汝呼喚二妙觀察智

金剛愛菩薩

喜也喜能利益眾生無倦憎愛志了無彼此諸佛讚嘆平等妙行三平等性智

金剛語菩薩

捨也捨能利益眾生不滯諸境人法二空諸佛付囑四成所作智



發願文

稽首三界尊

皈命十方佛

我今發宏願

持此金剛經

上報四重恩

下濟三途苦

若有見聞者。

悉發菩提心

盡此一報身

同生極樂國。

云何梵

梵者淨也

云何得長壽

初問實相般若若續佛慧命一得永得終無變易

金剛不壞身

實一

相般若。是體。此乃法身般若。含攝眷屬助伴。

復以何因緣

是觀照般若。是用以智慧照五

蘊得大堅固力。

二觀照般若。若。是用。

云何於此經

此是問文

究